

南

南

資治通鑑前編卷之十三

宋紀

高宗皇帝

辛卯紹興元年

金天會九年○西遼康國五年○夏正德五年

復賢良方正科

春正月己亥朔帝在越州帥百官遙拜二帝不受賀○復賢良方正直言極諫科○以張俊為江淮路招討使○李成陷江州○謝克家罷○盜曹成陷漢陽軍鄂州○詔有司舉太祖後宜襲封安

贈程順
直龍圖閣

定郡王者○二月邵青寇宣州○以秦
檜參知政事○詔贈程順直龍圖閣制
詞極其褒崇於是學者翕然尚之○三
月張俊大敗李成于樓子莊復筠江州
於是俊軍有鐵山之號○**金**兀术取鞏
洮河樂蘭廓積石西寧州於是涇原熙
河二路皆為**金**有○張浚退守閬州以
張深為四川制置使次于益昌王庶為
利夔兩路制置使節制陝西諸路知興

崩
孟太后

元府時**金**人破福津蹂同谷以迫興州
浚退閬州而令張深劉子羽趨益昌○
夏四月**金**撻懶屯于宿遷縣○劉光世
復楚州○隆祐皇太后孟氏崩_{年五十九}○
桑仲陷鄧州○盜李忠陷商州○五月
以張用為舒蘄鎮撫使○作大宋中興
玉寶○劉光世使王德襲揚州執郭仲
威歸于行在所斬之○邵青圍太平州
劉光世招降之○盜趙延壽據分寧縣

婁寅亮
請立太
祖後嗣
統

呂頤浩招降之。○張俊大敗李成于黃梅縣。成奔劉豫。江淮諸郡悉平。岳飛功第一。○李忠譚兗降于張浚。○張用復叛寇江西。岳飛招降之。○六月。上虞縣丞婁寅亮上書。乞選太祖後以備儲嗣。自元懿太子卒。帝未有後。范宗尹造膝請建太子。帝曰。太祖以神武定天下。子孫不得享之。遭時多艱。零落可憫。朕若不法仁宗為天下計。何以慰在天之靈。

帝詔選
太祖後

於是詔知南外宗正事。令慮選太祖後。將育宮中。至是寅亮上書曰。先正有言。太祖舍其子而立弟。此天下之大公。周王薨。章聖取宗室育之宮中。此天下之大慮。仁宗感悟其說。詔英宗入繼大統。文子文孫。宜君宜王。遭罹變故。不斷如帶。今有天下者。獨陛下一人而已。屬者椒寢未繁。前星未耀。孤立無助。有識寒心。天其或者深戒陛下。追念祖宗。公心

長慮之所及乎。崇寧以來。諛臣進說。獨推濮王子孫。以為近屬。餘皆謂之同姓。遂使昌陵之後。寂寥無聞。僅同民庶。藝祖在上。莫肯顧歆。此金人所以未悔禍也。望陛下選太祖諸孫有賢德者。視秩親王。俾牧九州。以待皇嗣之生。退處藩服。庶幾上慰在天之靈。下係人心之望。書奏。帝讀之大感歎。○攢昭慈獻烈皇后于越州。詔權攢于會稽縣之上皇村。以俟軍事寧。歸葬哲宗園陵。

○張琪陷徽州。○張浚以吳玠為陝西諸路都統制。時關隴六路盡陷于金。止餘階成岷鳳洮五州。及鳳翔之和尚原。隴州之方山原而已。○劉豫置招受司于宿州。誘宋逋逃。○秋七月。以岳飛為右軍副統制。帥師次于洪州。彈壓盜賊。○封太祖後令話為安定郡王。○**金**撻懶自宿遷北去。○范宗尹免。○八月。以孔彥舟為蘄黃鎮撫使。○張浚殺左武大夫

曲端稍復其官。徙于閬州。將任用之。王
庶從而間之。吳玠憾端。因書曲端謀反
四字于手心。待浚立時。舉以示馬浚。素
知端庶不可並立。且方倚玠為用。庶等
知之。即言端嘗作詩。有指斥乘輿意。曰。
不向關中興事業。却來江上。泛漁舟。此
其罪也。浚乃送端于恭州獄。有武臣康
隨者。嘗以事忤端。端鞭其背。隨深憾之。
會浚以隨提點夔州刑獄。端聞之。曰。吾
其死矣。隨至。命獄吏繫維端。以紙糊其
口。燻之。以火。端乾渴求飲。與之酒。九竅
流血而死。陝西士大夫以端累立大功。
死非其罪。莫不痛惜之。軍士悵恨。有叛
去者。○以汪伯彥為江東安撫大使。時黃
○張守罷。○以李回參知政事。富直

呂頤浩
為左相

柔同知樞密院事。○以秦檜為尚書右
僕射。兼知樞密院事。時范宗尹既去。檜
欲得其位。因揚言曰。我有二策。可以聳
動天下。或問何以不言。檜曰。今無相。不
可行也。語聞。乃有是命。○范福棄蔡州。
以李祐代為鎮撫使。○復置賞功房于
三省樞密院。○以呂頤浩為尚書左僕
射。兼知樞密院事。○以孟庾為江東西
湖東等路宣諭制置使。○詔能建策還

二帝者。賞以王爵。○冬十月。李回罷。○
王德穢邵青之衆于崇明沙。獲青歸于
行在所。○以孟庾參知政事。○吳玠大
敗金兀朮于和尚原。玠自富平之敗。收
散卒保和尚原。積粟繕兵。列柵為死守
計。或謂宜退屯漢中。扼蜀口。玠曰。我保
此。敵決不敢越我而進。堅壁臨之。彼懼
吾躡其後。是所以保蜀也。時玠在原上。鳳翔民感其
遺惠。相與夜輸芻粟助之。玠償以銀帛。民益喜。輸者益多。金人怒。伏兵渭河邀

殺之。且令保伍連坐。民冒禁如故。

金將沒立自鳳翔。烏

魯折合自階成。出散關。約日會和尚原。
烏魯折合先期至。陣北山索戰。玠命諸
將堅陣待之。更戰迭休。山谷路狹多石。
馬不能行。金人舍馬步戰。大敗。移砦黃
牛。會大風雹。遂遁去。沒立方攻箭筈嶺。
玠復遣將擊敗之。兩軍終不得合。金人
自起海角。狃於常勝。及與玠戰。輒敗。憤
甚。謀必取玠。於是兀朮會諸帥之兵十

餘萬。造浮梁跨渭。自寶雞結連珠營。壘石為城。夾澗相拒。遂進薄和尚原。玠與弟璘。選勁弩。命諸將分番迭射。號駐隊。矢連發不絕。繁如雨注。敵稍却。則以奇兵旁擊。絕其糧道。度其困且走。設伏於神垵。以待之。敵至。伏發。遂大亂。玠縱兵夜擊。大敗之。兀術中流矢。僅以身免。亟鬻音替。亦作剃。其須髯而遁。**金**自南侵。未嘗有此敗衄。深以為愧。初**金**人之至也。玠

初置見錢關子

與璘以散卒數千駐原上。朝問隔絕。人無固志。有謀劫玠之兄弟。北降者。玠知之。召諸將。歃血盟。勉以忠義。皆感泣。願盡死力。故能成功焉。○初置見錢關子

時命張俊屯發州。有司請椿辦合用錢。而路不通舟。錢重難致。乃造關子付發州。召商人入中。以給軍食。商執關子于權貨務。請錢。願得茶鹽香貨鈔。引者聽。

○升越州為紹興府。○關師古復秦州

○劉豫使王世冲寇廬州。知州王亨斬

之。○**金**兀術自河東還。留撒離喝于鳳

翔遂取慶陽○慕容洧以環州叛降于

金○十一月以孟庾為福建江西荆潮

宣撫使韓世忠為副使○富直柔罷○

十二月盜曹成陷道州○桑仲寇復金

州○**金**以陝西地與劉豫於是中原盡屬於豫

壬子二年金天會十年○夏正德六年春正

月癸巳朔帝在紹興府帥百官遥拜二

帝不受朝賀○韓世忠拔建州范汝為

自焚死辛企宗討范汝為不克其勢益盛世忠曰建居閩嶺上流賊沿

帝不受賀

流而下七郡皆血肉矣亟率步卒三萬

水陸並進直抵鳳凰山五日破之汝為

死斬其二弟岳吉以徇世忠初欲盡誅

建民李綱自福州馳見世忠曰建民多

無辜世忠乃令軍士駐城上毋下聽民

自相別農給牛穀商賈弛征禁脅從者

汰遣獨取附賊者誅之捷聞帝曰雖古

民感更生家為立祠

名將何以加世忠因進討江西湖廣諸

盜○帝如臨安府從呂頤浩請也○帝至臨

安府○二月詔劉光世帥師次于揚州

經理淮東○以李綱為湖廣宣撫使○

置御前忠銳軍以趙延壽李振單德忠

以降盜崔增李捧邵青

趙延壽李振單德忠

徐文所部兵為七將○三月桑仲為其黨所殺李

橫復郢州先是仲上疏願協力恢復京

師乞正劉豫之罪呂頤浩信之乃命仲

節制應援仲至郢調兵其黨霍明執而

殺之襄鄧統制李橫擊走明復其州○

金人侵隴安吳璘敗之○河南鎮撫使

翟興為其下所殺劉豫將遷汴以興屯伊陽之鳳牛山憚之

遣人持書誘以王爵與斬之豫復陰誘

與裨將楊偉以利偉遂殺興携其首奔

豫興在河南累年軍少食乏而能激以

忠義士莫不自奮金人畏之諸陵得不

侵犯詔以○夏四月以翟汝文參知政

事○曹成陷賀州○詔呂頤浩都督江

淮荆浙諸軍事帥師如鎮江頤浩信桑

仲之言屢請出師身自督軍北向以復

中原以神武後軍及忠銳崔增趙延壽

二軍從行韓世忠張浚劉光世岳飛王

玠皆隸焉凡十餘萬人○劉豫徙于汴

京尊其祖考為帝置于宋太廟是日暴

風捲旂屋瓦皆振士民大懼其子麟籍

呂頤浩
帥師鎮江

劉豫徙
汴

鄉兵十餘萬為皇子府。凡兩京冢墓發掘殆盡。賦歛煩苛。民不聊生。○岳飛追

曹成大敗之。成走邵州。由成擁衆十餘萬。江西歷湖湘。

據賀邵郴連。飛付金字牌黃旗。招成。成聞飛將至。驚曰。岳家軍來矣。即分道而遁。飛追至賀州。力戰大破之。成乃自桂

嶺置砦。至北藏嶺。連控隘道。親以衆十餘萬守蓬頭嶺。飛部才八千人。一鼓登

嶺。破其衆。成奔連州。飛謂部將張憲。徐慶王。貴等曰。成黨散去。追而殺之。則脅

從者可憫。縱之。則復聚為盜。今遣若等誅其酋。而撫其衆。慎勿妄殺。累上保

之仁。於是憲自賀連。慶自邵道。貴自郴

桂。招降者二萬。與飛會。○張浚以王庶連州。進討。成走入邵州。

知成都府王似為利夔制置使。○金主

以其太祖孫亶為諳班勃極烈。自斜也。卒諳班

勃極烈之位久虛。至是粘沒喝兀術谷神等會朝。言曰。儲嗣久曠。合刺先帝嫡

孫當立。若不早定。恐授非其人。金主不

得已許之。合刺即亶也。太祖之孫。父曰

一。名王繩果。○金主以其子蒲盧虎為國

論勃極烈。蒲盧虎。一。○金以粘沒喝為

都元帥。兀術為左副元帥。○閏月。衍聖

公孔端友卒。以其子玠嗣。○五月。以權

邦彥僉書樞密院事。○育太祖後子偁

育太祖
孫于宮
中

之子伯琮于宮中。帝感婁寅亮之言。選秦王德芳五世孫子偁之子伯琮。命張婕妤鞠之。生六年矣。○呂頤浩前軍將趙延壽反。頤浩遂次于常州。頤浩聞桑仲死。已悔出師。及延壽叛。因稱疾不進。○王德追趙延壽于建平。誅之。○置修政局。命秦檜提舉。○以劉子羽知興元府。○韓世忠招曹成降之。世忠既平范汝為。旋師永嘉。若將休息者。忽由處信徑至豫章。連營江濱數十里。群賊不虞世忠至。大驚。

世忠因使董收招成。成方為岳飛所追。乃率其眾降。得戰士八萬。遣詣行在。

○六月。詔岳飛屯江州。○以李橫為襄郢鎮撫使。李道為鄧隨鎮撫使。○須黃庭堅所書戒石銘于州縣。○翟汝文罷。○孔彥舟叛。降于劉豫。○秋。七月。以翟琮為河南府孟汝唐州鎮撫使。○呂頤浩還自常州。○八月。以孟庾兼權同都督江淮荆浙諸軍事。○安定郡王令話卒。○以朱勝非提舉醴泉觀兼侍讀。貶

胡安國
論時政

給事中胡安國提舉仙都觀。是夕彗星見。罷給事中程瑀等二十人。帝初即位。召安國為給事中。黃潛善惡之。遂罷。潛善去。復召為中書舍人。兼侍講。安國因上時政論二十一篇。其言以為保國必先定計。定計必先建都。建都擇地。必先設險。分土必先制國。制國以守。必先恤民。夫國之有民。猶人之有元氣。不可不恤也。除亂賊。選縣令。輕賦歛。更弊法。省

官吏。皆卹民事也。而行此有道。必先立政。立政有經。必先覈實。而後賞罰當。賞罰當而後號令行。人心順從。惟上所命。以守則固。以戰則勝。以攻則服。天下定矣。然欲致此。顧人主志尚如何耳。尚志所以立本也。正心所以決事也。養氣所以制敵也。宏度所以用人也。寬隱所以明德也。具此五者。帝王之能事畢矣。論入改給事中。入對。帝謂曰。聞卿大名。渴於

帝讀春秋

相見。何為累召不至。安國辭謝。居旬日。再見。以疾力求去。帝曰。聞卿深於春秋。方欲講論。遂以左氏傳付安國。點句正音。安國言春秋經世大典。見諸行事。非空言比。方今思濟艱難。左氏繁碎。不宜虛費光陰。耽翫文采。莫若潛心聖經。帝善之。命兼侍讀。專講春秋。先是秦檜知呂頤浩不為公論所容。乃多引知名士列于清要。以自助。欲傾頤浩而專政。安

胡安國論朱勝非

國嘗聞游酢論檜人材。可方荀文若。信之。故力言檜賢於張浚諸人。及頤浩自常州還。憾檜欲去之。問計于席益。席益曰。目為黨可也。今黨魁胡安國在瑣闥。宜先去之。會頤浩薦朱勝非代已都督。帝從之。命下。安國奏勝非與黃潛善汪伯彥同在政府。緘默附會。循致渡江。尊用張邦昌。結好金國。淪滅三綱。及正位冢司。苗劉肆逆。貪生苟容。辱逮君父。今

強敵憑陵。叛臣不忌。用人得失。係國安危。深恐勝非上誤大計。帝為罷都督之命。改兼侍讀。安國復持錄黃不下。願浩特命檢正諸房文字。黃龜年書行。安國言有官守者。不得其職則去。臣今待罪無補。既失其職。當去甚明。况勝非既臣論列之人。今朝廷乃稱勝非處苗劉之變。能調護聖躬。昔公羊氏言祭仲廢君為行權。先儒力排其說。蓋權宜廢置。非

胡安國
罷

所施於君父。春秋大法。尤謹于此。建炎之失節者。今雖特釋而不問。又加進擢。習俗既成。大非君父之利。臣以春秋入侍。而與勝非為列。有違經訓。遂卧家不出。願浩勸帝降旨。云安國屢召。偃蹇不請。初非勝非不可同都督。及改命經筵。又以為非。豈不以時艱不肯盡瘁。乃欲求微罪而去。其自為落職提舉仙都觀。謀則善。如國計何。是夕彗出胃。秦檜三上書留之。不報。侍御史江躋。左司諫吳表臣。論勝非不可

用。安國不當責。於是程瑀等皆坐檜黨。並落職罷官。云應天變。臺省為之一空。安國強學力行。以聖人為標的。志於康濟時艱。見中原淪沒。常若痛切于身。雖以罪去。其愛君憂國之心。遠而彌篤。每有君命。即置家事不問。然風度凝遠。蕭然塵表。視天下萬物無一足以嬰其心。故渡江以後。儒者進退合義。以安國尹焞為首。謝良佐嘗曰。康侯如大冬嚴雪。

大冬嚴
雪松柏
獨秀

百草痿死。而松柏挺然獨秀者也。○秦檜免。榜其罪于朝堂。示不復用。先是起居郎王居正與檜善。及檜執政。與居正論天下事甚銳。既相。所言皆不酬。居正疾其詭言于帝曰。秦檜嘗語臣中國之人。唯當着衣啗飯。共圖中興。臣時心服其言。檜又自謂為相數月。必聳動天下。今為相設施止是願陛下以臣所言。問檜所行。檜聞而憾之。出居正知婺州。及

秦檜免

胡安國罷。檜留之不報。遂求去。會呂頤浩諷殿中侍御史黃龜年劾檜專主和議。沮止國家恢復遠圖。且植黨專權。漸不可長。乃罷檜相。初檜所陳二策。欲以河北人還金。中原人還劉豫。帝曰。南人歸南。北人歸北。朕北人將安歸。檜語乃塞。至是帝召直學士院綦寔禮入對。語以是事。及王居正所言。寔禮即以帝意載于訓辭。播告中外。人始知檜之姦。

九月。韓世忠大敗劉忠于蘄陽。忠走降

于劉豫。○罷修政局。○王倫還自金。○被倫

執久之懷歸。乃倡為和議。使人與粘沒喝言。粘沒喝忽至館中。與倫議和。縱之。優獎之。時方議討劉豫。和議中格。

以潘致堯為金國通問使。至楚州通判

劉晏劫其幣奔劉豫。○以朱勝非為尚

書右僕射。兼知樞密院事。○以韓世忠

為江南東西路宣撫使。守建康。他帥臣

稱宣撫使者。並罷。○以王似為川陝宣

朱勝非
右相

張浚始不安

撫副使張浚在關陝三年。訓新集之兵。當方張之敵。以劉子羽為上賓。任趙開為轉運。擢吳玠為大將。子羽慷慨有才略。開善理財。而玠每戰輒勝。西北遺民歸附者衆。故關陝雖失。而全蜀按堵。且以形勢牽制東南江淮。亦賴以安。朝廷疑浚殺趙哲。曲端為無辜。任子羽玠。開為非是。乃以似為副使。浚始不安。○以令時為安定郡王。○**金**元帥右都監耶

律余覩謀反。伏誅。遂大殺遼宗室。○冬。

十月。禁私酤。○裕享于温州。○十一月。

詔李綱。劉洪道。程昌寓。解潛。會師討楊

太太年少。楚人謂少。為公。故又曰楊公。○王彥復秦州。○

十二月。罷湖廣宣撫使李綱。初綱至潭

時。流民潰卒群聚為盜。散處荆湘之間。

多者數萬人。綱悉平之。因上言荆湖之

地。自昔號為用武之國。今朝廷保有東

南。制馭西北。當於鼎醴荆鄂。皆宿重兵。

李綱罷

使與四川襄漢相接。乃有恢復中原之漸。不報。呂頤浩言網縱暴無善狀。遂罷提舉崇福宮。○川陝宣撫司。以便宜賜類試陝西舉人周漢等進士出身。○初置江浙湖南月椿錢。呂頤浩朱勝非以軍用不足置之。故郡邑多橫賦。自此大為東南民害。○召張浚知樞密院事。以盧法原為川陝宣撫處置副使。及王似同治司事。浚聞王似來。乃上疏求解兵柄。且論似不可任。呂頤浩不悅。朱

勝非又以宿憾日短浚。故召之。○南平

王李乾德卒。以其子陽煥為交趾郡王。

○以孔端朝為秘書省正字。錄孔子之後也。○

詔孟庾同都督江淮荆浙諸軍事。○**金**

撒離喝取金州。王彥奔石泉。撒離喝乘勝而進。

癸丑三年。金天會十一年。○夏正德七年。西遼康春

正月丁巳朔。帝在臨安府。率百官遙拜

二帝。不受賀。○劉子羽之師潰于饒風

關。吳玠走西縣。子羽走三泉。**金**撒離喝

劉子羽師潰

遂入興元府而去。時子羽聞王彥敗，亟命田晟守饒風關，而遣人召吳玠。玠自河池日夜馳三百里，引兵援之。至饒風，以黃柑遺敵，曰：「大軍遠來，聊用止渴。」撒離喝大驚，以杖擊地曰：「爾來何速耶？」遂悉力仰攻關，一人先登，則二人擁後，先者既死，後者代攻。玠軍弓弩亂發，大石摧壓，如是者六晝夜，死者山積。敵乃更募死士，由間道自祖溪關入，繞出玠後。

子羽保
三泉

乘高以闕饒風，諸軍不支，遂潰。敵入洋州，玠邀子羽去。子羽不肯，而留玠同守定軍山。玠難之，遂退保興元之西縣。子羽亦焚興元，退保大安軍之三泉縣。撒離喝遂入興元，至金牛鎮，四川大震。子羽從兵不滿三百，與士卒取草茅木甲食之，遺玠書訣別。玠得書，未有行意。其愛將楊政大呼曰：「節使不可負劉待制。」不然，政輩亦舍節使去矣。玠乃間道會

築守潭
壽山

子羽子羽留玠共守三泉。玠曰：關外蜀之門戶，不可輕棄。復往守仙人關。子羽以潭壽山形斗拔，其上寬平有水，乃築壁壘。方成而**金**兵已至，距營十數里。子羽據胡床，坐于壘口。諸將泣告曰：此非待制坐處。子羽曰：子羽今日死于此，敵尋亦引去。時張浚欲移守潼川，子羽移書言已在此，**金**人必不南。浚乃止。**金**兵由斜谷北出，子羽謀邀之于武休，不及。

子羽敗
金師

撒离喝既回，鳳翔遣十人持書招子羽。子羽盡斬之，而留其一，縱之還，曰：為我語賊，欲來即來，吾有死耳，何可招也。初，子羽聞有**金**師，預徙梁洋之積，及**金**人深入，餽餉不繼，殺馬及兩河所僉軍士以食。而子羽玠復腹背要擊之，死傷者十五六。疫癘且作，乃引衆自褒斜谷還興元。子羽玠因出師掩其後，**金**人墮溪澗死者不可勝計。盡棄輜重而走，餘兵

以伯琮
為防禦
使

不能自拔者悉降。子羽遂還興元。金人始謀。本謂玠在西邊。故涉險東來。不虞玠馳至。雖入三州。而失不償得。○李橫復潁順軍。潁昌府。○造渾天儀。○以李橫為襄陽府。鄧隨郢州鎮撫使。兼京西招撫使。○詔春秋望祭諸陵。○二月。權邦彥卒。○以伯琮為和州防禦使。賜名瑗。○吳璘築殺金平。移師守之。殺金平在仙關右興州長舉縣。時璘守和尚原。而餉不繼。玠慮金人必復深入。且其地去

蜀遠。命璘棄之。而別營之。○以席益參知政事。徐俯簽書樞密院事。○三月。李橫傳檄收復京師。劉豫乞師于金。金人救之。及橫戰于牟駝岡。橫師敗績。豫復陷潁昌府。○以韓世忠為淮南東路宣撫使。○夏。四月。朱勝非以母喪去位。○劉豫將董震以虢州來歸。以震為商虢陝州鎮撫使。○以劉光世為江南東路宣撫使。○李成復陷虢州。○楊太僭號大聖天王。即太

罷宣撫
司黜陟

也○水軍統制徐文叛降于劉豫○潘
致堯還自**金**以韓肖胄為**金**國軍前通
問使禁邊兵犯齊境○王彥復金州**金**
人棄均房而去○詔李橫等班師還鎮
以與**金**議和也○五月罷宣撫司便宜
黜陟張浚發閬州時浚被召而以劉子羽
等軍敗祕其事而未行王似盧法原亦未
赴閬至是詔周隨亨李愿宣押王似盧法
原赴鎮而罷宣撫司便宜黜陟浚及劉子

岳飛平
虔吉盜

羽王庶劉錫等遂赴行在所○以陳規
知池州規守德安七年賊不敢犯至是
自是不復除鎮撫使○六月禁諸路招納淮北及
中原来歸人議和○詔王瓊會師討楊
太○岳飛大敗盜彭友于零都虔吉平
盜彭友連兵寇掠循梅廣惠英韶南雄
南安建昌邵武汀諸州帝專命飛平之
飛至虔賊彭友悉眾至迎戰飛即馬上
擒之餘黨退保固石洞飛遣死士疾馳
潰皆降初帝以隆祐太后震驚之故密
喻飛屠虔城飛請誅首惡而赦脅從帝

許馬。虔人感其德。繪像祠之。及入見帝。手書精忠岳飛字。製旗以賜之。○秋。七月。復置博學宏詞科。○起復朱勝非為尚書右僕射。○八月。翟琮奔襄陽。劉豫遂取伊陽。○沂王栲有罪。金人殺之。與栲駙馬劉文彥。誣告道君皇帝謀反。案驗無狀。伏誅。○九月。呂頤浩免。時頤浩言。太祖取天下。兵不過十萬。今有兵十六七萬矣。比年韓世忠、張俊、陳思恭、張崇屢奏。人有戰心。願決策。

北向。今之精銳。皆中原人。恐久而消磨。他日難以舉事。帝方主和議。不從。至是以水旱不時。及蘇湖地震。會侍御史辛炳。殿中侍御史常同。論頤浩過惡。遂罷。頤浩有膽略。善弓馬。當國步艱難之日。人倚之為重。然其再相也。胡安國勸其法。韓忠獻。以至公。無我為先。報復恩讎。為戒。頤浩不能用。○以劉光世為江東淮西宣撫使。次池州。韓世忠為淮東宣

易諸將
鎮

撫使。次鎮江府。王璉為荆南府岳鄂潭
鼎澧黃州漢陽軍制置使。次鄂州。岳飛
為江南西路舒蘄州制置使。次江州。
冬十月。李成陷鄧州。進寇襄陽。李橫奔
荆南。成入據之。遂陷隨唐郢州信陽軍。
○罷諸路類省試舉人。○十一月。韓肖
胄還自**金**。禁汧淮兵擅侵齊境。○復元
祐十科取士法。從朱勝非言也。○**金**兀朮取和
尚原。○十二月。**金**李永壽來。自帝即位。屢遣使如

金。多見拘留。而金未嘗遣一介之使。報聘。至是粘沒喝使李永壽王翊來。請還劉豫之俘。及西北士民之在南者。且欲畫江以益劉豫。與秦檜前議脗合。識者益知檜與金人共謀矣。○劉豫以孔子後璠襲封

衍聖公。主祀事。

甲寅四年。金天會十二年。○西遼康國八年。○夏正德八年。春

正月辛亥朔。帝在臨安府。率百官遙拜二帝。不受賀。○以章誼為**金**國通問使。請還兩宮。及河南地。○**金**始定制度。頒之。○二月。席益罷。○三月。吳玠及**金**兀

吳玠大
敗金人
于仙人
關

趙鼎參
政

木戰于仙人關大敗之兀術撤騎十萬

破和尚原進攻仙人關自鐵山鑿崖開

道循嶺東下玠以萬人守殺金平以當

其衝吳璘自武階路入援冒圍轉戰七

晝夜始得與玠會于仙人關敵攻玠營

玠擊走之又以雲梯攻壘壁揚政以撞

竿碎其梯以長矛刺之金軍分為二兀

術陣于東韓常陣于西屢戰明日大出

兵統領王喜王武率銳士分紫白旗入

金營金陣亂奮擊射韓常中左目金人

始宵遁玠遣統制張彥劫橫山砦王俊

伏河池扼其歸路又敗之是役也兀術

以下皆携妻孥來劉夔乃劉豫之腹心

本謂蜀可圖既不得逞度玠終不可犯

則還據鳳翔投甲士田為久留計自是

動不妄 ○以趙鼎參知政事 ○罷都督府

以其兵屬張俊 ○張浚還自閬州罷為

資政殿大學士居之福州浚至臨安中

憾率御史常同等劾浚 ○以王似為川

喪師失地跋扈不臣

陝宣撫使盧法原吳玠為副使 ○夏四

月安置宣撫司參議官劉子羽于白州

○吳玠復鳳秦隴州 ○熙河蘭廓路安

撫使關師古以洮岷叛降于劉豫 ○徐

俯罷與趙鼎 ○知壽春府羅興叛降于

劉豫 ○五月以岳飛兼黃復州漢陽軍

德安府制置使時楊么與劉豫通欲順流而下李成既陷襄陽等六郡又欲自江西陸行趨浙與么會帝命飛為之備及朱勝非言襄陽國之上流不可不急取飛亦奏襄陽等六郡為恢復中原根本今當先取六郡以除心膂之病李成遠遁然後加兵湖湘以殄群盜帝以語趙鼎鼎曰知上流利害無如飛者遂有是命飛渡江中流顧幕屬曰飛不擒賊

岳飛復襄陽

不涉此江矣

○岳飛復襄陽

飛至郢。偽齊守京超。

號萬人敵。

乘城拒飛。

飛鼓衆而登。

超投崖死。

飛復郢州趨襄陽。

李成迎戰。

左臨襄江。

飛笑曰。

步兵利險阻。

騎兵利平曠。

成左列騎江岸。

右列步兵地。

雖衆十萬。

何能為。

舉鞭指王貴曰。

爾以長槍步卒擊其騎。

指牛臯曰。

爾以騎兵擊其步卒。

合戰。

馬應槍而斃。

後騎皆擁入江。

步卒死者無數。

成夜遁。

飛遂復襄陽。

飛

因奏金賊所愛惟子女玉帛志已驕惰

劉豫僭偽人心終不忘宋如以精兵二

十萬直擣中原恢復故疆誠易為力襄

陽隨郢地皆膏腴苟行營田其利甚厚

議營田

臣候糧足。即過江北。勦戮敵兵。時方重
深入之舉。而營田之議。自是興矣。○**金**
人侵金州。王彥敗之。○復育太祖後子
彥之子伯玖于宮中。○岳飛使牛臯復
隨州。○秋七月。以胡松年僉書樞密院
事。○岳飛使王貴張憲復鄧唐州信陽
軍。襄漢悉平。飛移師次于德安。軍聲大
振。捷聞。帝喜曰。朕素聞飛行軍有紀律。
未知其能破敵如此。○章誼還自**金**師。

襄漢平

以趙鼎
都督

○八月。以趙鼎知樞密院事。都督川陝
荆襄諸軍事。鼎辭以非才。帝曰。四川全
盛。半天下之地。盡以付卿。黜陟專之。可
也。鼎乃條奏便宜。朱勝非忌而抑之。乃
上疏曰。頃者陛下遣張浚出使川陝。國
勢百倍于今。浚有補天浴日之功。陛下
有礪山帶河之誓。君臣相信。古今無二。
而終致物議。以被竄逐。夫喪師失地。浚
則有之。然未必如言者之甚也。大抵專

黜陟之典。受不御之權。則小人不安其分。謂爵賞可以苟求。一不如意。便生缺望。是時蜀士至於醵金募人。詣闕訟之。以無為有。何以自明。故有志之士欲為國立事者。每以浚為戒。今臣無浚之功。當此重責。去朝廷遠。恐好惡是非。行復紛紛於聰明之下矣。伏望憫臣孤忠。使得展布四體。少寬陛下西顧之憂。○以魏良臣為金國通問使。○詔取王安石

朱勝非
罷

追封舒王制毀之。從呂聰問之請也。○

復以王似知成都府。○以岳飛為湖北

荆襄潭州制置使。次于鄂州。從趙鼎言

也。飛時年三十二。自中興諸將建節未

有如飛之年少者。○九月朱勝非乞終

喪制。許之。時久雨。勝非累章乞免。且自論當罷者十一事。帝未許。侍

御史魏劾其過。勝非請持餘服。許之。勝非居相位。苗劉之變。保護之功為多。

然詆李綱。忌趙鼎。人以是少之。○安定郡王令時卒。○

劉豫使其子麟。以金師寇淮南。岳飛復

侵金師南
相趙鼎入

襄鄧。遂乞師于金。金主乃命訛里朶撻懶。調勃海漢兒軍五萬以應。豫謂兀朮。知地險易。使將前軍。豫遣其子麟姪。視各將兵會金師南下。騎兵自泗攻滁。步

守鎮江。○以趙鼎為尚書右僕射。兼知

樞密院事。鼎將赴川陝。陛辭時。淮報驟

至。舉朝震恐。帝曰。卿豈可遠去。當遂相

朕制下。朝士相慶。○以沈與求參知政

事。○冬十月。詔韓世忠進次揚州。○金

人圍亳州。○召張浚于福州。慮金齊必

韓世忠
大敗金
人于大
儀

併力窺東南。而朝廷已議講解。因上疏極言之。至是。帝思其言。會趙鼎勸帝親征。帝從之。喻樗謂鼎曰。六龍臨江。兵氣自倍。然公自度此舉果出萬全乎。或姑試一擲也。鼎曰。中國累年退避。不振。敵情益驕。義不可更屈。故贊上行耳。若事之濟否。則非鼎所可知也。樗曰。然則當思歸路耳。張德遠有重望。若使宣撫江

淮。即朝廷歸路也。鼎然之。入言于帝。遂召浚為提舉萬壽觀。兼侍讀。○韓世忠大敗金人于

大儀。追至淮而還。是時世忠得命進駐揚州。手敕感泣曰。主憂如此。臣子何以生為。遂復如揚州。使統制解元守承州。

候**金**步卒親提騎兵駐大儀以當敵騎。伐木為柵自斷歸路。會朝廷使魏良臣使**金**。世忠撤炊爨給良臣有詔移屯守江。良臣疾馳去。世忠度良臣已出境。即上馬令軍中曰。眡吾鞭所嚮。於是移軍向大儀。勒五陣。設伏二十餘所。約聞鼓即起擊。良臣至**金**軍中。金人問宋師動息。則具以所見對。聶兒孛董聞世忠退大喜。即起兵至江口。距大儀五里。別將

撻不野擁鐵騎過五陣東。世忠傳小麾鳴鼓。伏兵四起。旗色與金人旗雜出**金**軍亂。宋師迭進。世忠令背嵬軍士各持長斧。上搵人胷。下斫音馬足。敵被甲陷泥淖。世忠麾勁騎四面蹂躪。人馬俱斃。遂擒撻不野等二百餘人。而世忠所遣董收亦擊敗**金**人于天長之鷓口橋。解元至高郵北門。遇敵設伏。水軍夾河陣。一日合戰十三。相距未決。世忠遣成閔

將騎士往援。復大戰。俘獲甚多。世忠復親追至淮。金人驚潰。相蹈藉溺死者甚衆。捷聞。群臣入賀。帝曰。世忠忠勇。朕知其必能成功。沈與求曰。自建炎以來。將士未嘗與金人迎敵一戰。今世忠連捷。厥功不細。論者以此舉為中興武功第一。○帝自將禦金師。次于平江府。金齊之師日迫。群臣勸帝他幸。散百司以避之。張浚曰。避將安之。惟進禦乃可免耳。

帝親征

趙鼎曰。戰而不捷。去未晚也。帝因曰。朕為二聖在遠。屈已請和。而彼復肆暴。侵凌朕當親總六師。臨江決戰。沈與求復力贊之。鼎喜曰。累年退怯。敵志益驕。今聖斷親征。將士必奮。成功可必。臣願效區區以圖報國。○十一月。詔暴劉豫罪。逆于六師。自豫僭立。朝廷以金故。至名為大齊。至是始聲其罪。○金人入濠州。○金人入光州。○以張浚知樞密院事。視師鎮江。浚至。見趙鼎。

張浚復
視師江
上

執其手曰。此行舉措皆合人心。鼎笑曰。喻子才之功也。詔拜浚樞密。以其盡忠竭節。諭于中外。浚受命。即日赴江上。視師。時捷懶兀木擁兵十萬。約日渡江。決戰。浚長驅臨江。召劉光世韓世忠張俊議事。將士見浚。勇氣十倍。浚既部分諸將。身留鎮江。以節度之。○十二月。金人圍廬州。岳飛使牛皋救之。金師引去。皋追敗之。○金師渡淮北歸。時捷懶屯泗

金師北
還

州。兀木屯竹塹鎮。為韓世忠所扼。以書幣約戰。世忠遣麾下王愈及兩伶人以橘茗報之。且言張樞密已在鎮江。兀木曰。張樞密貶嶺南。何得乃在此。愈出浚所下文書示之。兀木色變。遂有謀歸之志。會雨雪。金餽道不通。野無所掠。殺馬而食。蕃漢軍皆怨憤。又聞金主病篤。乃夜引師還。兀木等既去。劉麟劉猷不能獨留。亦棄輜重遁。帝謂趙鼎曰。近將士

致勇爭先。諸路守臣亦翕然自效。乃朕用卿之力也。鼎謝曰。皆出聖斷。臣何力之有焉。或問鼎曰。金人傾國來攻。衆皆洩懼。公獨言不足畏。何也。鼎曰。敵衆雖盛。然以劉豫邀而來。非其本心。戰必不力。以是知其不足畏也。帝語張浚曰。趙鼎真宰相。天使佐朕中興。可謂宗社之幸。鼎奏金人遁歸。尤當博采群言。為善後之計。於是詔前宰執議攻戰備禦措

李綱上疏

置綏懷之方。提舉臨安府洞霄宮李綱上疏曰。陛下勿以敵退為可喜。而以仇敵未報為可憤。勿以東南為可安。而以中原未復。神州赤縣陷于敵國為可恥。勿以諸將屢捷為可賀。而以軍政未修。士氣未振。尚使彊敵得以潛逃為可虞。則中興之期。可指日而俟。議者或謂敵馬既退。當遂用兵為大舉之計。臣竊以為生理未固。而欲浪戰以僥倖。非制勝

之術也。今朝廷以東南為根本。將士暴露之久。財用調度之煩。民力科取之困。苟不大修守備。痛自料理。先為自固之計。何以能萬全而制敵。議者又謂敵人既退。當且保據一隅。以苟目前之安。臣謂祖宗境土。豈可坐視淪陷。不務恢復。若今歲不征。明年不戰。使敵勢益張。而吾之所糾合精銳士馬。日以耗損。何以圖敵。唯宜於防守既固。軍政既修之後。

守備之宜

即議攻討。乃為得計。其守備之宜。則當料理淮甸荆襄。以為東南屏蔽。夫六朝之所以能保有江左者。以強兵巨鎮。盡在淮南荆襄間也。今當以淮南東西及荆襄。置三大帥。屯重兵以臨之。分遣偏師進守支郡。加以戰艦水軍。上連下接。自為防守。敵馬雖多。不敢輕犯。東路以揚州為帥府。而以江東財用給之。西路以廬州為帥府。而以江西財用給之。荆

襄以襄陽為帥府。而以湖北財用給之。徐議營田。使之贍養。假以歲月。則藩籬成。守備之宜。莫大於是矣。然後可以議攻戰之利。亦當分責於諸路大帥。如淮東西之帥。則當責以收復京東西路。荆襄之帥。則當責以收復京西南北路。川陝之帥。則當責以收復陝西五路。此事雖若落落難合。然在陛下聖意先定於中。而以至誠不倦決斷行之。蓋無不可

攻戰之利

成之理。至於擇將之方。治兵之政。車馬器械之制。號令賞罰之權。兵家皆有成法。無待於言。而戰陣之間。因敵決勝。臨事制度者。兵無常形。又不可預圖也。臣願竊以為獻者。在勿失機會而已。若夫措置之方。則臣願先定駐蹕之所。今鑾輿未復舊都。莫如權宜且於建康駐蹕。控引二浙。襟帶江湖。運漕財穀。無不便利。然淮南有藩籬形勢之固。然後建康

措置之方

為可都。願陛下與二三大臣熟計之。綏懷之略。則臣願先為自治自彊之計。使中原陷溺之民。知所依告。益堅戴宋之心。又曰。臣竊觀陛下臨御。迄今九年。國不闢而日蹙。事不立而日壞。將驕而難御。卒惰而未練。國用匱而無贏餘之畜。民力困而無休息之期。使陛下憂勤雖至。而中興之効。邈乎無聞。則群臣誤陛下之故也。陛下觀近年以來所用之臣。

慨然敢以天下之重自任者幾人。平居無事。小廉曲謹。似可無過。忽有擾攘。則錯愕無所措手足。不過奉身以退。天下憂危之重。委之陛下而已。有臣如此。不知何補於國。而陛下亦安取此。夫用人如用醫。必先知其術業。可以已病。乃可使之進藥。而責成功。今不詳究其術業。而姑試之。則雖日易一鑿。無補於病。徒加疾而已。大槩近年閒暇。則以和議為

用人如
用醫

得計。而以治兵為失策。倉卒則以退避為愛君。而以進禦為誤國。上下偷安。不為長久之計。天步艱難。國勢益弱。職此之由。今天啓宸衷。悟前日和議退避之失。親臨大敵。天威所臨。使北軍數十萬之眾。震怖不敢南渡。潛師宵奔。則和議之與治兵。退避之與進禦。其效槩可見矣。然敵兵雖退。未大懲創。安知其秋高馬肥。不再來擾我疆場。使疲於奔命哉。

論退避
之非

且退避之策。可暫而不可常。可一而不可再。退一步。則失一步。退一尺。則失一尺。往時自南都退而至維揚。則河北河東關陝失矣。自維揚退而至江浙。則京東西失矣。萬一有敵騎南牧。將復退避。不知何所適而可乎。航海之策。萬乘冒風濤之險。此又不可之尤者。惟當於國家閒暇之時。明政刑。治軍旅。選將帥。修車馬。備器械。峙糗糧。積金帛。敵來則禦。

俟時而奮。以光復祖宗之大業。此最上策也。臣願陛下自今以往。勿復為退避之計。夫古者敵國善鄰。則有和親。仇讎之邦。鮮復遣使。今金人造釁之深。知我必報。其措意為何如。而我方且卑辭厚幣。屈體以求之。其不推誠以見信決矣。器幣禮物。所費不貲。使輶往來。坐索士氣。而又邀我以必不可從之事。制我以必不敢為之謀。是和卒不成。而徒為此。

請勿議和

擾擾也。非特如此。於吾自治自疆之計。動輒相妨。實有所害。臣願自今以往。勿復遣和議之使。二者既定。擇所當為者。一切以至誠為之。俟吾之政事修。倉廩實。府庫充。器用備。士氣振。力可有為。乃議大舉。則兵雖未交。而勝負之勢決矣。惟陛下正心以正朝廷。百官使君子小人各得其分。則是非明。賞罰當。自然藩方協力。將士用命。雖強敵不足畏。逆臣

不足憂。此特在陛下方寸間耳。帝賜詔褒諭之而不能用。

乙卯

五年

金熙宗亶天會十三年。西遼康國九年。夏大德元年。

春正月乙巳朔。日有食之。帝在平江府。

○張浚還自鎮江。○以韓世忠為淮東

宣撫使。帥師次于鎮江。劉光世為淮西

宣撫使。帥師次于太平。張俊為江東宣

撫使。帥師次于建康。○鄜瓊復光州。○

金

主晟卒。諡班勃極烈。亶立。

是為熙宗。

金太宗卒。

史臣贊曰金太宗以斜也幹本知國

政。粘沒喝幹。離不統戎事。滅**遼**舉**宋**

議禮制度。治曆明時。績武修文。經國

規模。於是始定。在位十三年。無宮苑

奢淫之過。用大臣之言。捨子立亶。使

太祖世嫡。不失正緒。可謂行其所難

矣。

二月。帝如臨安府。○詔太常少卿張銖

奉迎太廟神主于溫州。○帝至臨安府。

趙鼎張浚同相

○川陝宣撫副使盧法原卒于閬州○

以趙鼎張浚為尚書左右僕射並兼知

樞密院事都督諸路軍馬是時鼎浚將

並相。史館校勘。喻樗聞之曰。二人宜且

同在樞府。他日趙退。則張繼之。立事任

人。未甚相遠。則氣脉長。若同處相位。萬

有一不合。或當去位。則必更張。是賢者

自相背。○以岳飛為荆湖南北襄陽府

路制置使。帥師討楊太于洞庭湖王夔

連年不克。○吳璘復秦州金撒离喝來

救。楊政敗之。○作太廟于臨安從禮部

員外郎

江。端友之請也。侍御史張致遠。及殿中

侍御史張絢言。去年建明堂。今年立太

廟。是將以臨安府為久居。○詔張浚如

江上議邊防。○初封劉光世妾許氏等

為孺人。從光世之請。妾○閏月。胡松年

罷。○王夔免。○置總制司。命孟庾領之

經理錢穀而增額外○三月。張浚乞視

師于潭州。詔許之。○金以粘沒喝領三

省事。○初鬻民間田宅契紙。○夏四月。

罷鎮撫使。○封周後柴叔夏為崇義公

○奉安神主于太廟○太上道君皇帝崩于**金**之五國城。初，太上自離汴，與淵聖及后妃族屬備極窘辱。至是崩，年五十四。遺言欲歸葬內地。**金**主不許。時兵部侍郎司馬朴與奉使朱弁在燕山聞之，共議制服。弁欲先請，朴曰：「為臣子聞君父喪，當致其哀，尚何請？」設請而不許。柰何，遂服斬衰，朝夕哭。**金**人義之而不責。洪皓在冷山，聞之，北向泣血，操文以

祭。其辭激烈，聞者揮涕焉。

史臣論曰

徽宗非若晉惠之愚，孫

皓之暴。又非有曹馬之篡奪，其失國也。特以恃其私智小慧，用心一偏，踈斥正士，狎近姦諛。於是蔡京以猥薄巧佞之資，濟其驕奢淫佚之志。溺信虛無，崇飾游觀，困竭民力。君臣逸豫，相為誕謾，怠棄國政。日行無稽，及童貫用事，又佳兵勤

遠稔禍速亂。遂致國破身辱。與石重
貴同科。豈得諉諸數哉。自古人君。玩
物而喪志。縱欲而敗度。鮮不亡者。徽
宗特甚焉爾。

龜山楊
先生卒

行朝獻景靈宮之禮于射殿。○龍圖閣
直學士致仕楊時卒。自帝南幸。時奉祠
優游林泉。以著書講學為事。東南學者
推時為程氏正宗。胡宏。羅從彥。皆其弟
子。卒年八十三。謚文靖。○羅從彥。南劍

豫章先
生

人。初為博羅主簿。聞時得程氏之學。慨
然慕之。時為蕭山令。從彥徒步往從。見
時三日。即驚汗浹背曰。不至是。幾虛過
一生矣。即卒業。築室山中。絕意仕進。終
日端坐。時行溪上吟詠而歸。充然自得。
朱熹謂龜山倡道東南。士之游其門者
甚眾。然潛思力行。任重詣極者。仲素一
人而已。學者稱為豫章先生。其門人李
侗最著。○李侗初從從彥學。從彥好靜

坐。侗退入室中。亦靜坐。從彥令侗靜中看喜怒哀樂未發前氣象。而求所謂中者。久之。侗於天下之理。該攝洞貫。以次融釋。各有條序。從彥甚重之。侗卒業。退居山中。謝絕世故。凡四十年。飲食或不充而怡然自適。閨門內外。夷愉肅穆。若無人聲。而衆事自理。與鄉人處。飲食言笑終日。油油如也。其接後學。答問不倦。嘗曰。學問之道不在多言。但默坐澄心。

延平先生

體認天理。若見。雖一毫私欲之發。亦退聽矣。學者稱為延平先生。朱熹嘗從侗受學。每稱侗姿稟勁特。氣節豪邁。而充養完粹。無復圭角。精純之氣。達於面目。色溫言厲。神定氣和。語默動靜。端詳閑泰。自然之中。若有成法。平居恂恂。若無甚可否者。及其酬酢事變。斷以義理。則有截然不可犯者。○五月。何蘚如金通問二帝中書舍人胡寅乞罷。許之。寅上

胡寅上
疏諫使

金

疏言女真者。驚動陵寢。戕伐宗廟。劫質
二帝。塗炭祖宗之民。乃陛下讐也。自建
炎丁未。至於紹興甲寅。所謂卑辭厚禮
以問安迎請為名。而遣使者。不知幾人
矣。知二帝所在。見二帝之面。得女真之
要領。因講和而能息虜兵者。誰歟。但見
丙午而後。通和之使。未息肩。而黃河長
淮大江。相次失險矣。劉豫稱兵犯順矣。
女真知中國所重在二帝。所恨在劫質

所畏在用兵。則常示欲和之端。增吾所
重。平吾所恨。匿吾所畏。而中國坐受此
餌。既久而後寤也。天下其謂自是改圖
必矣。何為復出此謬計耶。苟曰姑為是
豈有修書稱臣。厚費金帛。而成就一姑
息之事也。苟曰以二帝之故。不得不然。
則前效可考矣。况歲月益久。虜情益闕。
音閉必無可通之理也。適觀何蘄之事。
恐和說復行。國論傾危。士氣沮喪。所繫

胡寅罷

不細。疏入。詔褒諭之。及張浚自潭州還。言使事兵家機權。後將闢地復土。終歸于和。未可遽絕。帝遂遣蘇行寅因乞外。知邵州。○以孟庾知樞密院事。○封貴州防禦使。瑗為建國公。出就資善堂聽讀。時趙鼎請名行宮新作書院為資善堂。命建國公就堂聽讀。且薦徽猷閣待制范冲兼翊善。起居郎朱震兼贊讀。二人皆名德老成。極天下之選。岳飛嘗詣

資善堂見瑗。退而喜曰。社稷得人矣。中興之業。其在是乎。○以令砮為安定郡王。○行統元歷。○**金**左副元帥訛里朶卒。○六月。岳飛大破楊太于洞庭。太死。湖湘平。岳飛受命討。飛曰。而所部皆西北人。不習水戰。飛曰。兵何常。顧用之。何如。爾乃先遣使招諭之。其黨黃佐曰。岳節使號令如山。若與之戰。萬無生理。遂降。飛表授佐武義大夫。單騎按其部。拊佐背曰。子知逆順者。果能立功。封侯。豈足道哉。欲復遣子至湖中。視其可乘者。擒之。可勸者。招之。如何。佐感泣。誓以死報。會張浚至潭州。席益疑飛玩寇。欲以土聞。浚曰。岳侯忠孝人也。兵有深

岳飛破揚公

機。胡可易言。益慙。乃止。黃佐襲周倫。若殺之。飛上其功。遷武。功大。夫。飛以。王倫。也。鞭。功。皆。使其。統制。任。三日。賊。不受。平。斲。節。制。矣。無。功。之。使。餉。賊。日。三。日。賊。不。受。平。斲。節。制。矣。士。安。宣。言。岳。太。尉。兵。二。日。賊。不。受。平。斲。節。制。矣。止。士。安。軍。併。力。攻。之。飛。設。伏。士。安。戰。之。見。伏。四。起。擊。之。賊。走。會。侯。召。張。浚。還。防。曰。秋。已。有。定。畫。都。督。能。少。留。不。八。日。可。破。賊。曰。浚。曰。何。言。之。易。飛。曰。王。四。廂。以。日。王。可。破。賊。曰。水。冠。則。難。飛。所以。短。水。寇。攻。所。長。所。以。難。若。因。我。短。彼。長。以。所。短。攻。所。長。所。以。難。若。因。敵。將。使用。孤。敵。立。而。奪。其。手。足。之。助。離。其。腹。之。內。當。俘。諸。酋。浚。許。之。飛。遂。如。鼎。州。黃。佐。招。楊。欽。來。降。飛。喜。曰。揚。欽。驍。悍。既。降。賊。乃。腹。心。潰。矣。表。授。欽。武。義。大。夫。禮。遇。甚。厚。復。遣。歸。湖。中。兩。日。欽。說。全。琮。劉。詵。來。

湖湘平

降。飛。詭。罵。欽。曰。賊。不。盡。降。何。來。也。復。令。入。湖。是。夜。掩。賊。不。營。降。其。眾。數。萬。公。負。固。不。服。方。浮。舟。湖。中。以。輪。激。水。其。行。如。飛。旁。置。撞。竿。官。舟。迎。之。輒。碎。飛。伐。君。山。木。為。巨。筏。塞。諸。港。汊。又。以。腐。木。亂。草。浮。上。流。而。下。擇。水。淺。處。遣。善。罵。者。挑。之。且。行。且。罵。賊。怒。來。追。則。草。木。壅。積。舟。輪。礙。不。行。飛。急。擊。之。賊。奔。港。中。為。筏。所。拒。官。軍。乘。筏。張。牛。革。以。蔽。矢。石。舉。巨。木。撞。其。舟。盡。壞。么。技。窮。赴。水。死。飛。入。賊。壘。餘。首。舟。驚。曰。何。神。也。俱。請。降。眾。凡。二。十。餘。萬。巨。舟。千。艘。飛。親。行。諸。砦。慰。撫。之。縱。老。弱。歸。田。里。少。壯。為。軍。果。八。日。而。捷。書。至。潭。張。浚。歎。曰。岳。侯。神。算。也。初。么。恃。其。險。官。軍。自。陸。襲。則。入。湖。水。攻。之。則。登。岸。因。曰。欲。犯。我。者。除。是。飛。來。至。是。人。以。其。言。為。識。云。○孟。庾。罷。○韓。世。忠。復。鎮。淮。軍。○八

月論詆誣宣仁聖烈皇后罪。追貶章惇

為昭化軍節度副使。蔡卞為單州團練

副使。子孫不許在朝。○九月**金**主追尊

其考妣為帝后。考豐王宗峻為景宣皇帝。廟號徽宗。妣蒲察氏。

為惠昭○冬十月。張浚還自潭州。○以

席益為四川制置大使。○令民自實田

畝。間架于官。賣之。○十一月。徵和靖處

士尹焞為崇政殿說書。焞先是金人陷洛

徵處士
尹焞

死復甦。門生昇至。焞自商州奔蜀。至閬

又得程頤之本。於其壻邢純。拜而受之。因止於涪。涪。頤讀易地也。焞關三畏齋以居。州人不識其面。至是范冲舉以自代。

○以趙開為四川都轉運使。○詔張浚

視師于襄漢川陝。復以劉子羽參議軍

事。○以李綱為江西安撫制置大使。知

洪州。張浚薦其忠也。○以沈與求兼權

樞密院事。

丙辰六年。金天會十四年。○西遼感天

年二春正月己巳朔。帝在臨安府。○以伯

世忠屬
將士

玖為和州防禦使。賜名璩。○安定郡王令砮卒。○二月。置行在交子務。○以折彥質僉書樞密院事。○韓世忠圍淮陽軍。金兀朮救之。世忠還。○沈與求罷。○張浚會諸將于鎮江。命張浚進屯盱眙。○三月。以韓世忠為京東淮東路宣撫處置使。屯楚州。岳飛為京西北路宣撫副使。屯鄂州。張浚每稱二人可倚以大事。故並命之。世忠至楚。披草萊立軍。

岳飛素
志復中
原

府與士同力役。夫人梁氏親織箔為屋。將士有怯戰者。世忠遺以巾幘。設樂大宴。俾婦人救以耻之。故人人奮厲。撫集流散。通商惠工。山陽遂為重鎮焉。金以粘沒喝幹本蒲盧虎並領三省事。○夏四月。劉豫陷唐州。○京湖宣撫副使岳飛以母喪去官。詔起復之。○五月。復造見錢關子。罷交子務。○六月。張浚撫師淮上。命劉光世進屯廬州。岳飛進屯

岳飛欲
進兵復
中原不
許

月。帝如平江府。○岳飛使王貴敗劉豫
之衆于唐州。上䟽進師恢復中原。帝不
許。飛乃還鄂。○帝至平江府。○冬十月。
劉麟。劉猷分道寇淮西。張浚使楊沂中
帥師禦之。戰于藕塘。猷大敗走。麟自順
昌引去。沂中追至南壽春而還。先是劉
豫聞張浚會諸將于江上。榜其罪逆。將
進兵討之。恐懼告急于金。請先出師南
寇。而乞師救援。金主召諸將相議之。蒲

劉豫分
道入寇

盧虎曰。先帝所以立豫者。欲其開疆保
境。我得安民息兵也。今豫進不能取。又
不能守。兵連禍結。愈無休期也。從其請
則豫受利。敗則我受其弊。况前年因豫
出師。嘗不利于江上矣。柰何許之。○金主
從其議。遂不許豫。而遣兀朮引兵黎陽
以觀釁。於是豫簽鄉兵三十萬。號七十
萬。分三道而南。子麟率中路兵由壽春
趣廬州。以犯合肥。姪猷率東路兵取紫

荆山出渦口。以犯定遠。孔彥舟率西路兵趨光州。以犯六安。朝廷大懼。時張俊屯盱眙。楊沂中屯泗州。韓世忠屯楚州。岳飛屯鄂州。劉光世屯廬州。而沿江上下無兵。趙鼎深以為憂。移書張浚。欲令張俊與楊沂中合。以保合肥。浚以為然。乃遣楊沂中、張宗顏等分道禦之。且令沂中趣濠州。以與張俊合。因謂沂中曰：「上待統制厚。宜及時立功。會邊報日急。」

張浚進戰之議

張俊、劉光世皆張大賊勢。以聞。浚以書戒二將曰：「賊豫之兵以逆犯順。若不勦除。何以立國。平日亦安用養兵為哉。今日之事。有進戰無退保。及劉麟進逼合肥。帝慮張俊、光世不足任。因命岳飛盡以兵東下。而手劄付浚。令俊、光世、沂中等還保江。浚上言：「若令俊等渡江。則無淮南而長江之險。與賊共有。淮南之地。正所以屏蔽大江。使賊得淮南。因糧就。」

運以為家計。江南其可保乎。今正當合
兵掩擊。可保必勝。若一有退意。則大事
去矣。且岳飛一動。襄漢有警。何所恃乎。
願朝廷勿專制于中。使諸將有所觀望
也。帝手書報浚曰。非卿識高慮遠。何以
及此。由是異議乃息。沂中兵至濠。光世
已舍廬州。將趨采石。淮西大震。浚聞之。
令呂祉馳往光世軍中。諭其衆曰。若有
一人渡江者。即斬以徇。光世不得已。還

浚欲斬
渡江者

駐廬州。與沂中俊等相應。劉猗軍至淮
東。為韓世忠所阻。乃引趣定遠。劉麟從
淮西繫三浮橋而渡。次于濠壽之間。張
俊以兵拒之。猗率衆數萬犯定遠。欲趨
宣化以寇建康。沂中以兵二千進禦。與
猗前鋒遇于越家坊。敗之。猗恐孤軍深
入為王師所襲。乃引兵趣合肥。欲與麟
合而後進。行至藕塘。沂中復遇之。猗據
山列陣。矢下如雨。沂中急擊之。且使統

藕塘之
捷

制吳錫率勁卒五千突入其軍。猊衆潰亂。沂中縱大軍乘之。而自以精騎衝其脅。大呼曰。賊破矣。賊衆錯愕。駭視。張宗顏自泗來。乘背擊之。張俊大軍復與戰于李家灣。賊衆大敗。橫屍滿野。猊以首抵其謀主李愕曰。適見髯將軍。銳不可當。果殿前也。即與精騎數輩遁去。沂中躍馬叱之。餘衆皆怖請降。麟在順昌。聞猊敗。亦拔砦去。沂中及王德乘勢追麟。

至南壽春而還。孔彥舟亦解光州圍而退。北方大恐。**金**人聞豫敗。來詰其狀。始

有廢豫之意。**西**遼主大石卒。其妻蕭

氏權國事。子夷列年幼。遺命其皇后塔不烟稱制。號感天皇后。

十二月。張浚還自鎮江。**金**韓世忠敗。

人于淮陽。趙鼎罷。初。張浚在江上。遣

呂祉入奏事。所言誇大。鼎每抑之。帝謂

鼎曰。他日張浚與卿不和。必呂祉也。既

而浚因請事。語意微侵鼎。鼎言臣初與

趙鼎張浚不協鼎罷

浚如兄弟。因呂祉離間。遂爾睽異。今浚成功。當使展盡底蘊。浚當留。臣當去。帝曰。俟浚還議之。及浚還朝。鼎與折彥質請帝回蹕臨安。浚奏天下之事。不倡則不起。三歲之間。陛下一再臨江。士風百倍。今六飛一回。人心解體。乞乘勝攻河南。而車駕進幸建康。又言劉光世驕惰不戰。不可為大將。請罷之。鼎言擒劉豫固易耳。然得河南。能保金人不內侵乎。

且光世累世為將。將卒多出其門。無故而罷之。恐人心不安。浚滋不悅。而帝多從浚議。鼎求退益力。遂罷知紹興府鼎

小元祐

與浚為相。政事先後。及人才所當召用者。條而置之。座右。次第奏行之。故列要津者。多一時之望。人號為小元祐。復尊程頤之學。一時學者皆聚于朝。然鼎不

及見頤。故有偽稱伊川門人。以求進者。亦蒙擢用。帝嘗親書忠正德文四字。及尚書一帙。賜之。曰。書所載君臣相戒。飭之言。所以賜卿。欲共由斯道。鼎頓首謝。
○折彥質罷○以張守參知政事○以呂頤浩為浙西安撫制置大使判臨安

府○陳公輔乞禁程頤之學。詔從之。○
以劉頴為廣州參議軍事。

丁巳

七年金天會十五年○西遼咸春

正月癸亥朔。帝在平江府。○**金**初用大明歷。○以陳與義參知政事。沈與求同知樞密院事。○張浚改兼樞密使。以秦檜為樞密使。○何薜還自**金**。始聞太上皇帝及太上皇后崩。帝成服。張浚請導以日易月之制。詔外朝從之。宮中仍致

胡寅請
終喪衣
墨臨戎

喪三年。時知道君皇帝及寧德皇后鄭氏相繼崩。帝成服。百官七上表。請遵以日易月之制。知嚴州胡寅上疏。請致喪三年。衣墨臨戎。以化天下。帝欲遂終服。張浚言天子之孝。不與士庶同。必思所以奉宗廟社稷。今梓宮未返。天下塗炭。願陛下揮淚而起。斂髮而趨。一怒以安天下之民。帝乃命浚草詔。告諭群臣。外朝勉從所請。以日易月。宮中仍行三年

張浚請
以日易
月

之喪。浚又請命諸大將率三軍發哀成服。俾中外感動。而退上疏曰。陛下思慕兩宮。憂勞百姓。臣每感慨自期。誓殲敵讎。十年之間。親養缺然。爰及妻孥。莫之私顧。其意亦欲遂陛下孝養之心。拯生民於塗炭。昊天不吊。禍變忽生。使陛下抱無窮之痛。罪將誰執。念昔陝蜀之行。陛下命臣曰。我有大隙于此。刷此至恥。惟爾是屬。而臣終隳成功。使敵無憚。今

日之禍。端自臣致。乞賜罷黜。帝詔浚起視事。浚再疏待罪。不許。○二月癸巳朔。日有食之。○以王倫為奉迎梓宮使。如

金

倫。陸辭。帝命謂撻懶曰。河南之地。上國既不有。與其付劉豫。曷若見歸。

○以岳飛為湖北京西宣撫使。進拜太尉。以王德。嚮瓊兵隸之。帝復詔德。瓊曰。聽飛節制。如朕親行。時韓世忠。張俊皆久貴立功。而飛少事俊。為列將。一旦拔起。爵位與齊。俊深忌之。始與之有隙矣。

張俊忌
岳飛

○三月。帝如建康府。○以呂祉為兵部

尚書。都督府參謀軍事。○帝至建康。○

以沈與求知樞密院事。○遙尊宣和皇

后韋氏為皇太后。帝一日號。勸謂輔臣。曰。宣和皇。后。春秋高。

朕思之不遑寧處。屈已講和。正為此耳。翰林學士朱震。引唐建中故事。請遙尊

為皇太后。從之。○以呂頤浩兼行宮留守。孟庾

罷。○淮西宣撫使劉光世免。以其兵隸

都督府。命呂祉節制之。光世在淮西。軍士多降盜。素無

紀律。張浚言其沈酣酒色。不恤國事。語以恢復。意氣拂然。乞賜罷黜。會光世引

免劉光世

疾乞解兵柄。遂罷為萬壽觀使。○夏四月。作太廟于建

康。○京湖宣撫使岳飛乞終喪制。遂還

廬山。張浚以張宗元監其軍。先是飛留

建康。見帝數論恢復之畧。且上疏言金

人所以立劉豫於河南。蓋欲荼毒中原。

以中國攻中國。彼得以休兵觀釁。臣欲

陛下假臣月日。便則提兵趨京洛。據河

陽。陝府。潼關。以號召五路叛將。叛將既

還。遣王師前進。彼必棄汴而走河北。京

畿陝右。可以盡復。然後分兵濬滑。經畧
兩河。如此。則劉豫成擒。金人可滅。社稷
長久之計。實在此舉。帝曰。有臣如此。顧
復何憂。進止之機。朕不中制。復召至寢
閣。命之曰。中興之事。一以委卿。飛遂圖
大舉。會秦檜主和議。忌之。言於帝。請詔
飛詣都督張浚議事。浚謂飛曰。王德淮
西軍所服。浚欲以為都統。命呂祉以督
府參謀領之。如何。飛曰。德與酈瓊素不


岳飛欲
大舉伐
金

相下。一旦握之在上。則必爭。呂尚書不
習軍旅。恐不足服衆。浚曰。張俊楊沂中
如何。飛曰。張宣撫。飛之舊帥也。然其人
暴而寡謀。沂中視德等耳。豈能御此軍
哉。浚艱然曰。浚固知非太尉不可也。飛
曰。都督以正問飛。飛不敢不盡其愚。豈
以得軍為念哉。與浚忤。即日上章乞解
兵柄。終毋喪服。以張憲攝軍事。步歸廬
山。廬于墓側。浚怒。奏飛積慮在于併兵。

胡安國
上疏被
貶

奏牘求去。意在要君。遂以都督府參議
張宗元權其判官。○張浚如太平州。淮
西視師。○五月。召胡安國提舉萬壽觀
兼侍讀。未至。貶知永州。張浚薦安國。帝
召之。將行。聞陳公輔乞禁程氏之學。上
疏曰。孔孟之道。不傳久矣。自頤兄弟始
發明之。然後知其可學而至。今使學者
師孔孟而禁不得從頤學。是入室而不
由戶。本朝自嘉祐以來。西都有邵雍程

顥及其弟頤。關中有張載。皆以道德名
世。公卿大夫所欽慕。而師尊之。會王安
石蔡京等。曲加排抑。故其道不行。望下
禮官討論故事。加之封爵。載在祀典。比
於荀揚韓氏。仍詔館閣。褒其遺書。校正
頒行。使邪說者不得作。疏入。公輔與中
丞周祕。侍御史石公揆。交章論安國學
術頗僻。故貶。○六月。沈與求卒。○詔岳
飛入朝。遂遣還鎮。累詔起飛。不得已。趨

朝遂復職。及張宗元還言將和士銳人懷忠孝皆飛訓養所致。帝大悅。飛至鎮上奏言比者寢閣之命咸謂聖斷已堅何至今尚未決。臣願提兵進討順天道。因人。心以曲直為老壯。以逆順為強弱。萬全之效可必。錢唐僻在海隅非用武地。願建都上遊。用光武故事。親率六軍往來督戰。庶將士知聖意所向。人人用命。不報。○秋七月。嗣濮王仲湜卒。○

岳飛請進討不許

呂社死節妻死以徇

晉國王粘沒喝卒。粘沒喝內能謀國外能謀敵。決策制勝。有古名將之風。○八月。以張俊為淮西宣撫使。屯盱眙。楊沂中為淮西制置使。劉錡副之。屯廬州。王德為淮西都統制。統劉光世之軍。屬瓊副之。瓊與德素等夷不相下。及呂社還朝。德瓊列狀交訟于都督府。及御史臺。乃召德還建康。○召淮西副統制酈瓊赴行在。瓊以眾叛降于劉豫。都督府參謀軍事呂社死之。時有得社括髮之帛歸吳中者。社妻吳氏持帛

自縊以徇葬。聞者哀之。劉錡、吳錫以兵

追瓊不及而還。○九月，詔張俊屯廬州。

岳飛屯江州。酈瓊叛，張浚始悔，不用飛

言。飛乞進討瓊，不許。詔駐師江州。為淮

浙援。飛可以間而動。會軍中得兀術惡豫

飛。陽責之曰：「汝非吾軍人，張斌耶？吾向

遣汝至齊，約誘至。非吾太子。汝往不復來。

吾繼遣人問齊。太子許我。今冬所以會合寇

江為名。致四太子于清河。汝所恃書竟

不至。何背我耶？謀冀緩死。即詭服。乃作

蠟書。因謂謀曰：「吾今貸汝復遣至齊。問

兀舉兵。期到股納書。戒勿泄。還以書示

張浚罷黜

意益決。四太子。謂兀術也。

○張浚免罷都督府。浚總

中外之政。幾事叢委。以一身任之。每奏

對。必言讎恥之大。反復再三。帝未嘗不

改容流涕。時天子方厲精克己。戒飭宮

庭內侍。無敢越度。事無巨細。必以咨浚。

賜諸將詔。往往命浚草之。及酈瓊叛。呂

祉死。浚因引咎力求去。帝問浚誰可代

卿者。且曰：「秦檜何如？」浚曰：「近與共事。方

知其闇。帝曰：「然則用趙鼎。」浚曰：「得之矣。」

檜由是憾浚。浚遂奉祠而都督府亦罷。
○以趙鼎為尚書左僕射兼樞密使。
○以劉錡知廬州。
○冬十月安置提舉江
州太平觀張浚于永州。浚既去位言者
論之不已。至引漢武誅王恢為比。欲遠
竄之。會趙鼎乞降詔安撫淮西。帝曰。俟
行遣張浚。朕當下罪已之詔。鼎言浚已
落職。帝曰。浚罪當遠竄。鼎曰。浚母老且
有勤王功。帝曰。功過自不相掩。已而內

批出浚謫嶺南。鼎留不下。詰旦約同列
救解。帝怒未釋。鼎力懇曰。浚罪不過失
策耳。凡人計慮豈不欲萬全。倘因一失
便寘之死地。後有竒謀秘計。誰復敢言
者。此事自關朝廷。非獨私浚也。張守亦
以為言。秦檜憾浚。不出一語。帝意解。遂
以秘書少監永州居住。李綱聞之。馳奏
曰。浚措置失當。誠為有罪。然其區區徇
國之心。有可矜者。願少寬假。以責來效。

尹焞為
秘書郎

不報。○**金**以撻懶兀朮為左右副元帥。○閏月，以尹焞為秘書郎。兼崇政殿說書。初，焞承召命，以疾辭不行。范冲奏給五百金為行資。令漕臣奉詔至涪，親遣焞始就道。會陳公輔攻程氏之學，焞至九江，復辭曰：「學程氏者，焞也。遂不至。」張浚言焞拒劉豫之節，且其所學所養，有大過人者。乞令江州守臣疾速津送。焞至建康城外，復以疾辭。帝曰：「焞可謂恬退矣。」趣召入見，故有是命。○張俊棄盱眙還建康。○**金**襲汴，執劉豫以歸。廢為

金人廢
劉豫

蜀王。立行臺尚書省于汴。初，豫由粘沒喝、高慶裔而得立，故奉二人特厚。諸將多憾之。粘沒喝既死，豫兵復敗藕塘。至是，尚書省奏豫治國無狀，當廢。○**金**主遂令撻懶兀朮偽稱伐宋，以襲之。其詔有曰：「建爾一邦，逮茲八稔。尚勤兵戍，安用國為。」○韓世忠、岳飛請伐。○**金**以復舊壤

劉領平
廣盜

不報○十一月四川制置大使席益以
毋喪去官○十二月廣州盜蔡母謹和

尚陷三水鎮劉領帥師討誅之

蔡母謹和尚肅

聚於三水鎮有船四十屠三水鎮焚海
安等鹽塲劉領時為廣州參議官帥兵
捕之遂殺蔡母謹和尚○王倫還自金

尋復遣之

倫入對言金人許還梓官及
太后及河南地遂復遣之

○交趾郡王李陽煥卒子天祚嗣

資治通鑑節要續編卷之十三

